



小儀

BUDGET PICKS

DJ、電視節目主持

現於早上與森美開咪做電台節目《早霸王》，憑《美女廚房》奪得美女廚神冠軍，更推出烹飪書，在《街坊廚神》中與拍檔金剛的鬼馬表現，更深入人心，平日愛周圍發掘小店美食。



Elephant Grounds Coffee + Kitchen • 地址：黃竹坑業發街 1 號 The Factory 1 樓 • 電話：2562 9000 • 營業時間：星期一至五 9am - 6pm，星期六日休息

10,000 呎型格蛇竇



大家好呀！我今回真係「魯佳芳」啦，因為呢期我呢位南區嘅老街坊特別寫昇黃竹坑、香港仔、薄扶林一帶嘅街坊嚟，因為我又嚟蒲黃竹坑啦，搵到一個能夠「食好西」，但又型又好 hea 嘅地方，咁……唔好話畀人知，特別唔好畀咁高層知呀。

我要利申先，今次我係第二次寫 Elephant Grounds，讀者大人呀！唔好噏我呀！我有好充分嘅理由，第一次介紹佢地啲歌賦街間店中店，係細細間嘅 coffee corner，不過而家間舖變大咗、內容升級咗，若果我私藏好嘢，點對得住大家嘅支持？

既然第二次寫，Elephant Grounds 嘅招牌咖啡同 ice cream sandwiches 我就唔講啦，好好味煙燻 smoked affogato 仲喺度，反而要講下有咩地方升咗級，黃竹坑店叫 Coffee + Kitchen，面積有成 10,000 呎，門口有垂直植物牆，全店又用咗木做主調，真係好似去咗森林咁 relax，好鬼遠離煩囂，又有梳化位，又有 common table 嘞，唔似市區啲人氣 cafe 咁迫狹，下晝帶部 iPad 蛇上嚟，不知不覺會坐到無晒腰骨，幾鬼好 hea。

不過最正，係呢度有個超級廚房，邊 hea 邊吃係人生宗旨，有沙律、湯、飯麵、炸雞等，經常轉款。菜式由日籍大廚設計，唔係 cafe 嗰啲 hea hea 凱撒沙律、肉醬意粉，反而有中環級數嘅 hipster 美食，好似之前做過嘅超厚吉列豬扒三文治、手撕豬肉三文治同蜜瓜包雪糕三文治，仲有因為太「大人氣」而長駐餐牌、混合韓國美國特色嘅炸雞，加咗而家啲好潮嘅 super super food 羽衣甘藍 (kale) 做嘅沙律，每日款式雖然唔多，但鑲鑲有新意，嚟多幾次都唔會 repeat menu。

幫襯當日，我仲知銅鑼灣店都開咗，收得晏啲，噍！咁以後係百德新街掃貨之後，夜啲都可以吃到肥妹必吃嘅 ice cream sandwiches 囉。👍



Chorizo club \$75




Fried chicken \$78



Roast chicken \$75



Ice cream sandwich \$68 件



Smoked Affogato \$55



Chai latte \$50